

清會典

卷之一百六

兵部

武庫司

郵賞

軍器

畋獵

京察

武舉武生

考試員役

編發

大清會典卷之一百六

兵部二十



卹賞

國家敦尚忠勇。凡有捐軀殉難者。優卹備至。其行間被傷。亦分別等第。給賞有差。詳列於後。

凡卹賞身價。順治五年題准。出征陣亡八旗官兵。各給身價。一等精奇尼哈番。銀一千一百兩。二等精奇尼哈番。一千五十兩。三等精奇尼哈番。一千兩。如都統世職小。及無世職者。照三等精奇尼哈番例。一等阿思哈尼哈番。又一拖沙喇哈番。銀九百五十兩。一等阿思哈尼哈番。九

百兩。二等阿思哈尼哈番。八百五十兩。三等阿思哈尼哈番。八百兩。護軍統領。前鋒統領。副都統。如世職小。及無世職者。照三等阿思哈尼哈番例。一品官。不管兵者。亦照此例。一等阿達哈哈番。又一拖沙喇哈番。銀七百五十兩。一等阿達哈哈番。七百兩。二等阿達哈哈番。六百五十兩。三等阿達哈哈番。六百兩。叅領。王府長史。如世職小。及無世職者。照三等阿達哈哈番例。二品官。不管兵者。亦照此例。拜他喇布勒哈番。又一拖沙喇哈番。銀五百五十兩。拜他喇布勒哈

番。五百兩。不管兵。阿達哈哈番。品級官員。亦照此例。佐領。銀四百五十兩。拖沙喇哈番。四百兩。貝勒。司儀長。不管兵。拜他喇布勒哈番。品級官員。亦照此例。閑散官員。銀三百五十兩。拖沙喇哈番。品級官員。亦照此例。護軍校。驍騎校。銀二百五十兩。六品官。亦照此例。七品。八品官。銀二百二十兩。護軍。撥什庫。執燾人。二百兩。甲兵。一百五十兩。委署護軍統領。副都統。叅領。閑散官員。或世職小。及無世職。各照本身應得卹賞外。加銀五十兩。未披甲砲手。銀一百三十兩。各部

未披甲通事。滿洲蒙古從役。并滿洲家下漢人披綿甲者。俱一百兩。漢從役七十兩。○康熙十二年題准。都統照一等精奇尼哈番護軍統領。前鋒統領。副都統照一等阿思哈尼哈番。叅領照一等阿達哈。哈番例。給與身價。

凡卹賞綠旗陣亡殉難官兵。順治十年題准。千總卹銀一百兩。把總六十兩。馬兵三十兩。步兵十五兩。○康熙三年題准。千總卹銀一百五十兩。把總一百兩。馬兵五十兩。步兵四十兩。外委官員。不論大小。照馬兵例。○十三年題准。提督

卹銀八百兩。總兵官七百兩。副將六百兩。叅將五百兩。遊擊都司四百兩。都司僉書三百五十兩。守備三百兩。守禦所千總二百五十兩。衛千總二百兩。營千總一百五十兩。把總一百兩。馬兵七十兩。步兵五十兩。外委官員。不論大小。照馬兵例。○十七年覆准。鄉勇助戰陣亡者。照步兵例。減半給賞。凡被傷卹賞。

國初定。八旗兵丁陣傷者。分別給賞。頭等傷給銀五十兩。二等傷四十兩。三等傷三十兩。四等傷

二十兩。五等傷。十兩。若被遠炮中傷者。照例各減銀十兩。滿洲蒙古從役被傷者。頭等傷。給銀三十兩。二等傷。二十兩。三等傷。十兩。四等傷。五兩。五等傷。二兩。五錢。各部未披甲通事。并滿洲家下漢人披綿甲者。俱照甲兵被傷例。若被遠炮中傷者。頭等。二等傷。減銀十兩。三等。四等傷。各給五兩。向敵人放炮。被火藥誤傷者。照從役被傷例。至漢從役人。頭等傷。給銀二十一兩。二等傷。十四兩。三等傷。七兩。四等傷。四兩。五等傷。二兩。被遠炮中傷。亦照此例。○順治十年題准。

綠旗官兵陣傷者。頭等傷。給銀十兩。二等傷。八兩。三等傷。七兩。四等傷。六兩。五等傷。五兩。○康熙三年題准。頭等傷。給銀二十五兩。二等傷。二十兩。三等傷。十五兩。四等傷。十兩。五等傷。五兩。○十三年題准。頭等傷。給銀三十兩。二等傷。二十五兩。三等傷。二十兩。四等傷。十五兩。五等傷。十兩。

凡殘廢卹賞。

國初定。出征被傷殘廢之人。或雙目不見。或兩手不能展動。或兩足不能行走。及聲啞者。除給一

半身價外。加銀三十兩。一手一足脫落者。加銀二十兩。若傷一目。或兩目。或一手不能展動。一足不能行走。或兩耳聾蔽者。加銀十兩。或一手有一二指不能屈伸。難以持弓。或足癢。或齒折一半。言語不清者。照例給與一半身價。或傷手一二指。或傷足。未癢。或折傷三四足指。或一耳聾蔽者。照給半價例減銀十兩。此等傷痕。俱令該都統。副都統。叅領。佐領。驍騎校等。驗明。具結咨部。○康熙二十年題准。出征傷殘之人。俟回京三年後。照該旗咨送緣由。驗看傷廢果符。分

別具題。照例卹賞

凡優卹出征病故兵丁。順治十二年議准。八旗兵丁。遠方出征。除陣亡外。如有不服水土病故者。各卹銀二十兩。○康熙元年停止。○七年題准。仍復舊例。○二十年

恩詔。出征病故文武虛職。三四品官。卹銀五十兩。五六品官。四十兩。七品以下官。三十兩。凡優卹陣亡官兵家口。

國初定。前鋒護軍撥什庫兵丁陣亡。及傷發亡故人之妻子。家無養贍者。該叅領。佐領。驍騎校。具

結送該都統咨部。每月准給一半銀米。若非係陣亡。朦混咨送者。該管官治罪。○康熙十二年題准。不係陣亡。朦混咨送者。該佐領。驍騎校。罰俸三個月。叅領。罰俸兩個月。都統。副都統。罰俸一個月。凡綠旗賜祭卹典。康熙八年題准。綠旗兵丁陣亡。及傷發病故。無妻子親屬者。各給銀二兩。交該督撫提鎮。委官致祭。

軍器

造作軍器。職隸工部。而給發則兵部掌之。良楛

有等。賞罰有條。點驗有期。私售有禁。茲備列焉。凡旗纛。

國初設八旗。以鑲黃。正黃。正白。正紅。鑲白。鑲紅。正藍。鑲藍。爲旗色。八旗旗纛。各照本旗色樣。又別以都統護軍纛。畫龍。前鋒旗。畫飛虎。漢軍旗纛。畫黑月。都統護軍纛。前鋒旗。俱紅纓。其正紅旗。都統護軍纛。俱黑纓。凡甲面。盔纓。

國初定。八旗文武官員甲面。及護軍校甲面。俱用藍色。盔上用紅纓。驍騎校。部院筆帖式。併馬步

兵丁甲面各照旗色。盔上用紅纓。○康熙五年題准。八旗護軍校甲面俱用白色。部院有品筆帖式。驍騎校甲面用藍色。驍騎校以下兵丁。盔上俱用黑纓。都統以下空有品筆帖式。盔上俱用紅纓。

凡給發兵丁器械。順治五年題准。馬兵每名各給鐵盔甲一副。弓一張。箭四十枝。腰刀一口。步兵均作三分。一分弓箭手。各給弓一張。箭三十枝。一分長鎗手。各給長鎗一桿。一分鳥鎗手。各給鳥鎗一桿。三分各給綿甲一副。腰刀一口。至

直省兵丁需用器械。悉照例給發。○十二年題准。八旗新披甲兵丁。部發軍器馬匹。後停給馬凡製造官弓。

國初定。八旗弓匠製造官弓。造成日。每旗令侍衛護衛等官到部。分別等第。頭等弓。每張匠役賞銀一兩。二等弓。五錢。監造頭目。頭等弓。每張賞銀三錢。二等弓。一錢五八。三等弓。無賞罰。四等弓。每張匠役及頭目。各責五鞭。五等弓。各責十鞭。應得賞銀。每鞭抵算銀三錢。不足抵算者。鞭責。其賞銀移咨戶部給發。○康熙十五年。停止

給賞

凡採取樺皮。

國初定。八旗需用樺皮。俱於寧古塔地方採取。令弓匠固山大一員。每旗匠頭各一名。匠役各二名。前往驗採。其附近驛站村莊。額設壯丁一百八十名。內一百名。隔一年採取一次。餘八十名耕種。

凡採伐弓胎。順治二年題准。每年秋季。於昌平密雲二處。採伐弓胎弓稍一萬副。額設導引採伐壯丁八名。每年給工食銀四十兩。於戶部取

給

凡製造官箭。順治五年題准。兵部額設官箭匠十名。每名月給銀一兩。米二斛。製造箭枝以備

欽賞○康熙十五年。裁六名

凡造作不合式。

國初定。八旗匠役。若違式私造弓箭貨賣者。鞭五十。所賣弓箭。一半給拿獲之人。一半入官○康熙十五年題准。匠役將弓箭不如式製造。或被入首告。或兵部查出。所造之物入官。匠役從重議處○十九年題准。製造盔甲。其鐵務要摺打

鏗光。製造箭枝。務要箭心堅長。手鑲安釘。如草率造作。匠役人等。一併治罪。

凡箭枝數目。順治四年題准。各官不論職任。止照官銜。限定箭數。○康熙六年題准。官兵箭數。公。五百五十枝。侯。五百枝。伯。四百五十枝。內大臣。都統。精奇尼哈番。大學士。尚書。左都御史。間散。一品官。四百枝。散秩。六臣。護軍統領。前鋒統領。阿思哈尼哈番。副都統。侍郎。學士。副都御史。侍郎。品級。正卿。閑散。二品官。二百五十枝。叅領。阿達哈哈番。啓心郎。侍讀學士。郎中。閑散。三品。

官。二百五十枝。佐領。拜他喇布勒哈番。員外郎。漢軍啓心郎。閑散。四品官。二百枝。半個佐領。拖沙喇哈番。主事。鳴贊。閑散。五品。及六品。七品。八品官。監生等。一百五十枝。護軍校。驍騎校。六七品筆帖式。城門校等官。一百枝。前鋒護軍撥什庫等。七十枝。披甲人。五十枝。此定數內。若職任大者。照職任用。官品大者。照官品用。凡點驗器械。

國初定。每年點驗官兵器械。○順治五年題准。每年秋季。點驗馬兵器械。春季。點驗步兵器械。前

鋒器械。令該管官互相查點。

凡軍器出邊。

國初定。蒙古差來員役。王等不許賞給軍器等物。若經奏請。

俞旨者。方准給與。其邊口地方。兵部差官員筆帖式。前往搜查。果係。

欽賞喀爾喀。厄魯特者。照理藩院所給印文放出。私買帶去者。不准放出。○康熙十二年。覆准。官員將軍器。私賣私給喀爾喀。厄魯特者。革職。其物入官。平人交刑部治罪。○十四年。覆准。蒙古如。

有帶去人口。及軍器鋼鐵等物。出邊者。務照部內所給印票。詳對數目相符。方准放出。溢數者。拿送。縱令私帶者。守關官員議處。直隸山西地方。軍民人等。有偷賣人口。及軍器鋼鐵等物於蒙古者。該管官。及私賣之人。一并治罪。

凡軍器出城。順治十一年題准。各省官兵赴京。置買盔甲等物者。俱令報明兵部。照數驗看。出給印票。仍諭守門官兵。驗明部票。方准放出。十六年題准。外省官員。差人置買盔甲等物者。必用印文投部。方准購買。兵部仍給印票。令守。

門官驗實放行。如無印票。卽係私買。拿送兵部究擬。如守門官狗縱。一體治罪。○康熙十二年題准。守門官將無印票盔甲。私行放出者。罰俸三個月。撥什庫兵丁。鞭五十。○十三年題准。文武官員帶有軍器出京者。係旗下人。該都統出給印文。係漢人。本地方官出具保結。若無印文保結。兵部不准給票。

畋獵

古者蒐苗獮狩。皆於農隙以講武事。非徒事選徒搏獸之末也。我

朝畋獵之制。歲有常期。於圍場較獵之中。寓治兵振旅之意。詳列於後。

凡畋獵。舊例獵場內人員。如行走不齊。前後雜亂。呼應不靈者。該管官罰俸一個月。馱獸覓箭。遷延落後者。該管官拔取箭枝。本官免議。如被旁人查出。該管官罰俸一個月。本人鞭二十。越衆騎射。擾亂圍場者。該管官之馬入官。係平人委署員缺。鞭五十。係侍衛護衛。亦將馬入官。隔山岡射箭者。鞭三十。追銀五兩。給首告之人。將人遺棄凍死者。委去首領之人。鞭七十。係官

罰俸九個月。在禁約地方畋獵者。爲首人。鞭八十。爲從者。鞭五十。所獲之獸入官。係官。罰俸一年。○康熙二十二年令。凡畋獵時。兵丁三名內。輪流一名帶旗。不令射獸。其餘兵丁。如向內射獸者。沿邊射畢。卽回本隊。向外射獸者。獸獸覓箭畢。卽馳至圍場。遷延落後。鞭三十。彼此盜獸。鞭八十二。搶奪柴草。鞭八十。令賠還。該管官。罰俸一個月。盜鞍轡鞦韆等物。鞭八十二。罰銀三兩。箭無名字。罰銀十兩。俱給拿獲之人。無銀者。鞭三十。失火。鞭一百。畋獵規避。鞭七十。餘如前。

例

凡派撥畋獵人員。康熙二十一年題准。每歲畋獵三次。春季。定於四月。秋季。定於九月。冬季。定於十二月內舉行。每次派滿洲蒙古每佐領下。護軍二名。甲兵四名。兩佐領下。共派撥什庫一名。其派出撥什庫佐領下。除去甲兵一名。每旗派護軍叅領二員。內一員委署夸蘭太。仍管領一叅領。每叅領護軍校二員。委署叅領。護軍二名。委署護軍校。八旗共派前鋒校前鋒一百三十員名。每翼前鋒叅領一員。前鋒侍衛一員。滿

洲蒙古。或叅領。或賢能官。每旗派一員。委署夸
蘭大。每叅領派閒散官三員。驍騎校一員。閒散
官內一員。委署叅領。八旗漢軍。共派總領都統
一員。每翼副都統一員。每旗或叅領。或賢能官。
各派一員。委署夸蘭大。每叅領或閒散官。或驍
騎校。各派二員。閒散官內一員。委署叅領。每叅
領下。派撥什庫二名。每位領下。派甲兵二名。其
派撥時。部院衙門官員。一體酌派。

凡獵場隨從人數。舊例。親王許隨十名。郡王隨
九名。貝勒隨八名。貝子隨四名。公隨三名。公等

以上之子。帶撒袋隨圍者。亦許隨三名。不帶撒
袋之子。令隨營行走。○康熙二十二年。令。獵場
隨役旗色短褂人數。親王許隨十三名。世子。十
名。郡王。九名。長子。貝勒。八名。貝子。六名。公。四名。
公等以上之子。帶撒袋隨圍者。亦隨三名。不帶
撒袋者。令隨營行走。

凡獵場誤射。舊例。獵場內。王。貝勒。貝子。公等。如
因射獸誤射王者。罰銀三千兩。給被射之王。誤
射貝勒。罰銀二千兩。給被射之貝勒。誤射貝子
公。罰銀一千兩。給被射之貝子公。仍照本爵。各

罰俸兩個月。如不係射獸無端妄射者。請旨審問。王貝勒貝子公等。誤射下人者。罰俸兩個月。驗看傷痕。照出征被傷等第。追銀給被射之人。如射死。除照陣亡例給銀外。另罰銀二百兩。但傷皮肉。另罰銀一百兩。未傷皮肉。止罰銀五十兩。俱給被射之人。宗室公等被傷。加銀一百兩。宗室被傷。加平人二等。覺羅被傷。加平人一等。王貝勒貝子公等。射中下人所騎馬匹者。罰俸一個月。馬死。除罰俸外。追馬賠還。凡各項人員。誤射中王貝勒。不論有傷無傷。及射中獸。俱論

死。誤射中王貝勒等。所騎馬匹。鞭一百。免死折贖。向王貝勒等。射箭。箭落十步內者。鞭五十。如射傷人。或射死。除照陣亡被傷例。追銀外。鞭一百。射傷皮肉者。鞭七十。射中馬者。鞭五十。如射傷馬匹。兩家隱諱者。鞭八十。罰銀三十兩。給首告之人。○康熙二十二年令。凡人用披子箭。射中王貝勒等。無論有傷無傷。俱處死。如用兔叉。髀頭。係官革職。係平人。鞭一百。射中貝子公等。如傷重者。亦處死。僅傷皮肉。鞭一百。家產籍沒。射中獸。因中貝子公等。未傷者。鞭一百。免死折

贖射中馬者鞭一百。向王貝勒等射箭。箭落十步內者。係披子箭。鞭五十。係兎叉髀頭。免罪。射傷馬匹。兩家隱諱者。亦免罪。餘俱如前例。凡隱匿失馬。獵場所失馬匹。兵丁隱匿。被人首告者。鞭五十。罰銀十兩。給首告之人。係官。罰銀十五兩。給首告之人。鞭責折贖。該管官統轄不嚴。罰俸一個月。

京察

凡京察。每六年京察一次。三品官自陳。四品以下。及所屬五城兵馬司。京衛經歷。武學教授。會

同館遞運所。大使等官。兵部定其優劣。填註考語。咨送吏部。事例詳見吏部

武舉武生

國家文武並重。所以收干城之選也。會試。

殿試。隸在職方。而鄉歲兩試。則本司掌之。條例至悉。詳載於後。

凡場期。順治二年題准。子午卯酉年。舉行鄉試。京衛武生。在兵部鄉試。直隸各府武生。在保定府鄉試。各省武生。在本省布政司鄉試。大同府武生。在大同府鄉試。西延漢鳳。及榆林鎮武生。

在西安府鄉試。平慶臨鞏暨兩河等處武生。在甘肅巡撫鄉試。十月初九日。第一場。十二日。第二場。十五日。第三場。○十六年題准。京衛及直隸各府武生。俱歸併順天府鄉試。奉天府武生。與順天府武生。合試。大同府武生。與山西省武生。合試。

凡中式。順治二年題准。頭二場。試馬步箭。俱用大把馬箭。中二箭。爲合式。步箭中三箭。爲合式。再試開弓。舞刀。掇石。以驗技勇。三場。試策。二問。論一篇。○十四年題准。馬箭四箭。爲合式。步箭

二箭。爲合式。○十七年

諭。馬箭。築堤射毬。步箭。射小把。高五尺。濶一尺。以三十五步爲率。停試技勇等項。○十八年題准。頭場。先試策論。二三場。試馬步箭。○康熙七年題准。頭二場。仍先試馬步箭。三場。試策論。馬箭。以三箭。爲合式。步箭。以二箭。爲合式。○九年

諭。築堤射馬箭。永行停止。令置毬於平地。考試馬箭。○十三年覆准。考試武舉武生童。仍豎大把。試馬步箭。再試開弓。舞刀。掇石。頭場。馬箭。豎立三把。以席筒爲之。各離三十五步。務要縱馬疾馳。

三回九箭。中三箭者合式。不合式者。不准入二場。二場步箭。豎立大把。高七尺。濶五尺。以八十步爲率。務要殼滿中的。九箭中二箭者。合式。不合式者。不准入三場。再試八力。十力。十二力弓。八十斤。一百斤。一百二十斤。刀。二百斤。二百五十斤。三百斤石。弓必引滿。刀必舞花。石必離地一尺。三項內。有能一二項者。爲合式。全不能者。亦不准入三場。三場試策二問。論一篇。務取文理明通。以收真才。

凡京闈鄉試各官。順治二年題准。以兵部右侍郎。並啓心郎。爲主考官。內院大學士。並兵部滿漢堂司各員。爲監射官。兵部司屬各員。爲同考官。○十六年題准。

欽點翰林官二員。爲正副主考。兵部滿漢右侍郎。順天府府尹。監察御史二員。監射。小京官內。進士出身者四員。克同考官。揭曉日。兵部堂司。入內簾。對箭冊。填榜。○康熙十五年

諭。監射官。不得進內簾。

凡各省鄉試各官。順治二年題准。以本省巡按。爲監臨考試官。仍會同布按都三司各官。監射。

同知以下。知縣以上。正途出身者。酌用四員。爲閱卷官。○十七年庚子科以後。俱本省巡撫監臨考試。會同三司監射。閱卷官無定員。○康熙八年題准。以本省提學道爲閱卷官。該督撫提等。於本省總兵官內。精選諳練騎射者一員。會同巡撫爲監射官。有司內進士出身者。選用四員爲同閱卷官。如無進士。於舉人貢生有司內選用。○十四年題准。各省鄉試。不必選取總兵官。該撫仍會同布按監射。○二十四年題准。各省學臣。停止入闈閱卷。

凡解額。歷年多寡不等。康熙二十三年甲子科鄉試。直隸中式一百四十名。江南一百六十二名。浙江五十名。江西四十四名。湖廣五十名。福建五十名。山東六十名。山西一百一十名。河南六十名。西安四十名。甘肅五十名。四川四十二名。廣東四十名。雲南二十七名。貴州二十名。廣西以人數不足。並未開設武科。

凡考試官。並各職事官。筵宴供給。紙劄筆墨。心紅等項錢糧。順治二年題准。在京照例先咨戶部取用。事竣銷算。在外聽巡撫定擬。於布政司

府衛量數出辦。場內合用金鼓旗號响器。及搜
檢巡緝官軍。在京。行巡捕營。照數差撥。其刊刻
題目匠役。俱於州縣取用。在外。聽巡撫酌量取
用。

凡武闈筵宴。順治二年題准。武鄉試上馬筵宴。
插花。給表裏。下馬筵宴。插花。俱照文場例行。○
康熙十四年題准。停止上馬筵宴。○二十三年
仍復舊例。

凡磨勘試卷。武鄉試。舊未定有磨勘之例。康熙
十七年題准。直省中式武舉試卷。親供。限出榜

後十日內。解部磨勘。如卷內文理不通。字迹不
對。馬步箭技勇。填寫不明。兵部題參。照例議處。

○二十年

諭。武舉以弓馬爲重。墨卷不必謄錄。

凡考取武生。順治初。京衛武生童。隸在兵部。每
年春秋二季考試。每季取五十名。直隸及各省
武生童。照文生童例。督學三年一歲考。取進數
目。多寡無定額。○康熙三年題准。京衛武生童
亦照直省例。歸併學院考取。三年一考。共取一
百名。○九年覆准。直省武生。該督撫提鎮。於本

省就近副叅遊內委諳練騎射者一員直隸會
同學院各省會同學道考取奉天府所屬令奉
天將軍等選滿洲協領一員會同奉天府府丞
考取三年一考共取進二十名○十年題准直
省武童進學府學額定二十名大州縣學十五
名中州縣學十二名小州縣學七八名○十二
年覆准直隸學院各省學道定限到任六個月
內即將考過武生花名造冊送部仍先將到任
日期報部以憑查核○十四年題准學院學道
考試武生童不必會同地方武職官○二十二

年題准武生員如有緣事黜革收復及改歸原
籍等項令該提學院道續報若不逐案開明呈
報者照遺漏例治罪

凡武生習讀順治九年定考較武生童即於考
較文生童後踵行無武學處俱附文學教官管
理除騎射外教以武經七書百將傳及牽經四
書俾知大義令該管官將各學射圃修葺置備
弓矢教官率生員武生較射以飭武備其降黜
劣行事宜俱照文生例行

凡武途冒濫康熙十年覆准直隸各省考取武

童俱照文童例。分別大中小學名數考取。一體報部。至考取武舉武生。學臣取具並無詭冒連名保結。細加查認。除別省人住居年久。入籍置產當差者不議外。若有一人冒進兩途。及現任官子弟。並別省人。詭名冒籍。匪類濫克頂替等弊。該撫據實題叅。若有隱庇。將出結之官。並不查叅之督撫。治以隱庇之罪。○十一年題准。武途冒濫。巡撫知情不行題叅者。照例議處。若巡撫不知。止照保結考試者。罰俸一年。原出結之官。降二級調用。轉結官。降一級調用。

考試員役

各衙門設有員役。以供使令。積勞役滿。考試授職。俱有額定年分。限定資格。事例不一。茲備載焉。

凡効勞員役。順治初定。兵部辦事官。印官。庫官。站堂官。上本官。傳報官。寫本官。差官。都吏。及兵科辦事。各督撫提塘。著有勤勞者。俱准以守備用。○十三年題准。差官不許濫補白丁。如有缺出。於武舉中願効勞者。選補。各項原役。必俟効勞三年。查無過犯。方准考試。每年考試二次。先

試射箭。以二箭爲合式。後考策論。弓箭韜略俱優者。選授鎮撫標旗鼓道標中軍。及崑城守備。其餘選授管守備。○十五年題准。効勞役滿。嚴加考試。頭等者。以署守備用。次等者。以守禦所千總用。○康熙元年題准。宗人府供事官。及兵部兵科効用。督撫提鎮提塘各項員役。三年役滿。考試弓箭策論。如係武舉出身。及提塘內有經制千把總。標下聽用官者。送者。頭等。仍以署守備用。次等。仍以守禦所千總用。其餘員役。頭等。以守禦所千總用。次等。以衛千總用。不合式者。不准選授。仍令下次再考。三次不合式者。除名。○十四年題准。三次不合式者。停其除名。仍准考試。三次不到者。除名。其兵部都吏。照年滿書辦例。註冊。咨送吏部考職。○二十二年議准。鑾儀衛掌房掌案。貼房貼案等。亦照効勞例。三年役滿考用。

凡通事推用。順治十一年題准。在京各部院。及在外將軍衙門通事役滿八年。考試。頭等者。以守備用。二等者。以署守備用。○康熙元年題准。通事八年役滿者。授以七品。仍留三年。役滿考

試頭等以署守備管守備事用。二等以守禦所千總用。○八年覆准頭等仍以守備用。二等仍以署守備用。○十年覆准各衙門通事。槩行裁革。

凡考試書辦。順治初題准。京衛守千經歷武學等衙門。召募書辦年滿。兵部咨送吏部考職。○康熙五年題准。武舉武生。不許克各衙門書辦。書辦亦不得考武生。○六年題准。兵部所屬衙門。召募書辦。先報本部。行文原籍地方官。取具並無過犯。別衙門重役。假捏姓名。文武生員等。

弊印結到日。方准克役。咨送吏部註冊。年滿考職。其兵部各司。召募書辦。取印結到部。造冊移付本司。轉咨吏部註冊。年滿考職。○十二年題准。各役印結。停咨吏部。卽在各衙門存案。五年役滿送考。○十四年題准。九門提督衙門書辦。亦由兵部取結。起送吏部考職。

編發

凡軍犯發遣。順治十六年題准。刑部問擬克軍人犯。咨送兵部。發兵馬司羈候。照依邦政紀略。內開載衛所。定衛發遣。附近克軍者。發二千里。

邊衛克軍者。發二千五百里。邊遠克軍者。發三千里。極邊克軍者。發四千里。烟瘴克軍者。發烟瘴地方。亦四千里。如無烟瘴地方。照極邊例發遣。給傳牌一張。劄順天府。著落沿途府州縣。差役遞解。取收管送部。仍咨該府衛所。取著伍收管。並原發傳牌。繳部查核。若現在定衛發遣時。遇

赦者。咨刑部援免。病故者。委司坊官驗實。咨刑部所遺妻小。免其發往。○又題准。軍犯配所病故者。該撫查明緣由。及無永遠字樣。取具該衛所印

結送部。所遺妻小。發回原籍。○十八年題准。軍犯已經發遣。中途脫逃。拿獲遇

赦者。免其枷號。仍發原衛克軍。○康熙六年題准。軍犯配所脫逃。經管官罰俸一年。統轄官罰俸九個月。拿獲之日。本犯杖一百。折責四十板。發原衛克軍。遇

赦者。免責。仍發原衛克軍。○十一年覆准。軍犯免其墩鎖。令該管官。曲意防範。無令至於饑寒。若致脫逃。該管官。罰俸六個月。統轄官。罰俸三個月。○又題准。中途脫逃。不差的役押解之官。法律

會典卷一百六
勒限一年督緝限內不獲該撫題叅罰俸一年
行文各省照案緝拿

大清會典卷之一百六



